

坐禪三昧法門經卷下

飛八

僧伽羅利造 姚秦法師羅什譯

余時行者雖得一心定力未成猶爲欲界煩惱所亂當作方便進學初禪訶棄愛欲云何訶棄觀欲界過欲爲不淨種種不善當念初禪安隱使樂觀欲云何知欲無常功德怨家

乙

另卷之

如幻如化空無所得念之未得癡心已亂何況已得姪欲纏覆天上樂處猶不常安何況人中人心著欲無有厭足如火得薪如海吞流如頂生王雖雨七寶王四天下帝釋分座猶不知足如那睂沙_{姓也}轉金輪王爲欲所逼墮蟒蛇中又如仙人食果衣草隱居深山被髮求道猶復不免欲賊所壞欲樂甚少怨毒甚多著欲之人惡友相近善人疎遠欲爲毒酒愚惑醉死欲爲欺誑走使愚人疲苦萬端不得自在唯有離欲身心安隱使樂無極欲無所得如狗齒枯骨求欲勤勞極苦乃得得之甚難失之甚易如假借湏臾勢不得久如

夢所見恍惚即滅欲之爲患求時既苦得之亦苦多得多苦如火得薪多益多熾欲如段肉衆鳥競逐以要言之如蛾赴火如魚吞鉤如鹿逐聲如渴飲鹹水一切衆生爲欲致患無苦不至是故當知欲爲毒害當求初禪滅斷欲火行者一心精勤信樂令心增進意不散亂觀欲心厭除結惱盡得初禪定離欲盛火得清涼定如熱得陰如貧得富是時便得初禪喜覺思惟禪中種種功德觀分別好醜便得一心問曰修行禪人得一心相云何可知答曰面色悅澤徐行靖正不失心目不著色神德定力不貪名利擊破憍慢其性柔軟不懷毒害無復慳嫉直信心淨論議不諍身無欺誑易可與語柔軟慚愧心常在法勤修精進持戒完具誦經正憶念隨法行意常喜悅瞋處不瞋四供養中不淨不受淨施則受知量止足寤起輕利能行二施忍辱除邪論議而不自滿言語渺少謙恪恭敬上中下

座善師善知識親近隨順飲食知節不著好
味樂獨靜處若苦若樂心忍不動無怨無競
不喜鬭訟如是種種相得知一心相如是得
入初禪觀分別好醜知此覺觀二事亂禪定
心如水澄靜波蕩則濁行者如是內以一心
覺觀所惱如極得息如睡得安是時次學無

飛六

覺無觀生清淨定內淨喜樂得入二禪心靜
默然本所不得今得此喜是時心觀以喜爲
患如上覺觀行無喜法離捨喜地得賢聖樂
一心諦知念護得入三禪已棄喜故諦知憶
念樂護聖人言樂護餘人難捨樂中第一過
此以往無復樂也是故一切聖人於一切淨

飛八

三

地中說慈爲第一樂樂則是患所以者何第
一禪中心不動轉以無事故有動則有轉有
轉則有苦是故三禪以樂爲患欲以善妙捨
此苦樂先棄憂喜除苦樂意護念清淨入第
四禪不苦不樂護清淨念一心是故佛言護
最清淨名第四禪以第三禪樂動故名之爲

苦是故四禪除滅苦樂名不動處漸觀空處
破內外色想滅有對想不念種種色想觀無
量空處常觀色過念空處定上妙功德習念
是法逮得空定念無量識處觀空處過念無
量識處功德習念是法逮得識定念無所有
處觀識處過念無所有處功德習念是法便
得無所有處念非有想非無想處若一切想
其患甚多若病若瘡若無想是愚癡處是故
非有想非無想是第一安隱善處觀無所有
處過念非有想非無想功德習念是法便得
非有想非無想處或有行者先從初地乃至
上地復於上地習行慈心先自得樂破瞋恚
毒次及十方無量衆生是時便得慈心三昧
悲心憐愍衆生之苦能破衆惱廣及無量衆
生是時便得悲心三昧能破不悅令無量衆
生皆得喜悅是時便得喜心三昧能破苦樂
直觀十方無量衆生是時便得護心三昧二
禪亦復如是三禪四禪除喜次學五通身能

飛行變化自在行者一心欲定精進定一心
定慧定一心觀身常作輕想欲成飛行若大
若小以欲定過為快此二俱患精進翹勤常
能一心思惟輕觀如能浮人心欲強故而不
沉沒亦如猿猴從高上墮心力強故身無痛
患此亦如是欲力精進力一心力慧力令其
廣大而身更小便能運身

復次觀身空界常習此觀欲力精進力一心
力慧力極為廣大便能舉身如大風力致重
達遠此亦如是初當自試離地一尺二尺漸
至一丈還來本處如鳥子學飛小兒學行思
惟自審知心力大必能至遠學觀四大除却

地大但觀三大心念不散便得自在身無罣
礙如鳥飛行當復學習遠作近想是故近滅
遠出復能變化諸物如觀木地種除却餘種
此木便變為地所以者何木有地種分故水
火風空金銀寶物悉皆如是何以故木有諸
種分故是初神通根本四禪有十四變化心

初禪二果一者初禪二者欲界二禪三果一
者二禪二者初禪三者欲界三禪四果一者
三禪二者二禪三者初禪四者欲界四禪五
果一者四禪二者三禪三者二禪四者初禪
五者欲界餘通摩訶衍論中說世尊弟子學
五法門志求涅槃有二種人或好定多以著
樂故或好智多畏苦患故定多者先學禪法
後學涅槃智多者直趣涅槃直趣涅槃者未
斷煩惱亦未得禪專心不散直求涅槃越愛
等煩惱是名涅槃身實無常苦不淨無我心
顛倒故常樂淨我以是故事事愛著其身是
則底下衆生行者欲破顛倒故習四念止觀

飛八

四

觀身種種多諸苦患從因緣生故無常種種
惱故苦身有三十六物故不淨以不得自在
故無我習如是觀觀肉身觀外身觀內外身
習如是觀是謂身念止實相如是何故於此
而起顛倒愛著此身諦思惟念身邊樂痛以
愛樂痛故著此身當觀樂痛實不可得云何

不可得因衣食故致樂樂過則苦生非實樂故如患瘡苦以藥塗治痛止爲樂以大苦故謂小苦爲樂非實樂也復次以故苦爲苦新苦爲樂如擔重易肩輕爲樂而以新重爲樂實非樂也如火性熱無暫冷時若是實樂不應有不樂時或曰外事是樂因緣不必是樂或時樂因或時苦因若使心法與愛相應少時是樂與恚相應少時是苦與癡相應不苦不樂以此可知有樂無樂耶答曰無也姪欲不應是樂何以故若姪欲在內不應外求女色外求女色當知姪苦若姪是樂不應時時棄若棄非樂也於大苦中小苦爲樂也如人應死全命受鞭以是爲樂欲心熾盛以欲爲樂老時耽欲知欲非樂若實樂相不應生耽種種因緣欲樂相實不可得失樂則苦佛言樂痛應觀苦苦痛應觀樂如箭在體不苦不樂應觀生滅無常是謂痛念止當知心受苦樂受不苦不樂云何心是心無常從因緣生

故生滅不住相似生故但顛倒故謂是爲一本無今有已有還無是故無常觀知心空云何爲空從因緣生有眼有色有色可見憶念欲見如是等和合生眼識如日愛珠有日有珠乾草牛屎衆緣和合於是生火一一推求火不可得緣合有火眼識亦少不住眼中亦非色中住不兩中間住無有住處亦復不無是故佛言如幻如化現在心觀過去心或苦或樂或不苦不樂心各各異各各滅有欲心無欲心亦如是各各異各各滅觀内心觀外心觀内外心亦如是是名心念止復次觀心屬誰觀想思憶念欲等諸心相應法不相應法諦觀其主主不可得何以故從因緣生故無常無常故苦苦故不自在不自在故無主無主故空前別觀身痛心法不可得今更摠觀四念止中主不可得離此處求亦不可得若常不可得無常亦不可得若常應當常苦常樂亦不應忘若常有神者無殺惱罪亦無

涅槃若身是神無常身滅神亦應滅亦無後
世亦無罪福如是偏觀無主諸法皆空不自
在因緣合故生因緣壞故滅如是緣合法是
名法念止若行者得法念止歟世間空老病
死法都無少許常樂我淨於我此空法復何
所求應當入涅槃最善法中住達精進力得

深舍摩陀故

深舍摩陀者住心一處名也此土無是名

是得深舍

摩陀住第四法念止中觀諸法相皆苦無樂
無樂是實餘者妄語是苦因愛等煩惱及業
是非天非時非塵等種種妄語中生是煩惱
及業出生此苦是苦入涅槃時一切滅盡非
色無色界及世界始

外道謂一切有法之初名爲世界

禦以有始能化作等種種妄語能滅此苦正
見等八直道是涅槃道非餘斷食等種種苦
行亦非種種空持戒空禪定空智慧何以故
佛法中戒定慧三法合行能入涅槃

火初鑽煙出是名爲煖是爲涅槃道初相佛
弟子中有二種人一者多好一心求禪定是
人有漏道二者多除愛著好實智慧直趣涅
槃入煖法中有煖相者深得一心實法鏡到
譬如人立平地持好弓箭能射殺怨賊三法
合行亦如是戒爲平地禪定爲快弓智慧爲

利箭三事備足能殺煩惱賊是故外道輩不
得涅槃行者是時作四法緣觀緣如射博觀
苦四種因緣生故無常身心惱故苦無一可
得故空無作無受故無我觀集四種煩惱有
漏業和合故集相似果生故因是中得一切
行故生非相似果相續故緣觀盡四種一切

煩惱覆故閑除煩惱火故滅一切法中第一
故妙世間過去故出觀道四種能到涅槃故
道不顛倒故正一切聖人去處故跡得脫世
愁惱故離如是觀者得無漏相似法名爲煖
法云何名煖常勤精進故名煖法諸煩惱薪
無漏智火燒火欲出初相名爲煖法譬如鑽
火初鑽煙出是名爲煖是爲涅槃道初相佛
弟子中有二種人一者多好一心求禪定是
人有漏道二者多除愛著好實智慧直趣涅
槃入煖法中有煖相者深得一心實法鏡到
無漏界邊

鏡中像似面界邊非中故以爲喻

行者是時大得

穿井得至濕泥知當得水不久如人擊賊賊已退散自知得勝意中安隱譬如病人怖死人欲知活不當先試之以杖打身若癟脇脉起知是有煖必可得活亦如聽法人思惟喜悅心著是時心熱行者如是有煖法故名爲有煖亦名能得涅槃分善根是善根法有十

飛八

七

六行四諦緣六地中一智慧一切無漏法基野人能行安隱於無漏疎故爲野人是名有煖法增進轉上更名頂法如乳變爲酪是人觀諸法實相我當離苦得解脫門心愛是法是爲真法能除種種苦患及老病死是時思惟此法誰說是佛出尊從是得佛寶中信心清淨大歡喜悅若無此法一切煩惱誰當能遮我當云何得實智慧少許明從是得法寶中信心清淨大歡喜悅若我不得佛弟子輩好伴云何當得實智慧少許明從是得僧寶中信心清淨大歡喜悅是三寶中一心清淨含實智慧是頂善根亦名頂法亦名能得涅槃分善

正

影印宋元版

根亦如波羅延經中說

佛寶法僧寶 誰有少信淨 是名頂善根汝曹一心持

云何爲少信於菩薩辟支佛阿羅漢邊爲少於野人邊爲多復次此可破可失是故名少如法句說

芭蕉生實死 竹生實亦然 騃妊子則死小人得養死 破失非利故 小人得名譽白淨分失盡 乃至頂法墮
復次未斷諸結使未得無漏無量慧心以是故名少復次勤精進一心入涅槃道中更了了觀五陰四諦十六行是時心不縮不悔不退愛樂入忍是名忍善根忍何等隨四諦觀行是名爲忍是善根三種上中下三時云何忍復次觀諸出間盡空無有樂是苦因集愛等諸煩惱集智緣盡是名上法更無有上八真道能令行人得至涅槃更無有上信心如

是不悔不疑忍是名忍是中更有忍種種結使種種煩惱疑悔來入心中不能令破譬如石山種種風水不能漂動是故名忍是事得名真好野人如佛說法句中世界正見上誰有得多者乃至千万歲終不墮惡道

飛八

八

是世間正見是名爲忍善相是人多增進一心極厭世界行欲了了四諦相作證趣涅槃如是一心中是名世間第一法一時住四行無常苦空無我觀一諦苦法忍苦緣故何以故觀欲界五受陰無常苦空無我是中心忍入慧亦是心相應心心數法是名苦法忍身

業口業及心不相應行現在未來世一切無漏法初門是名苦法忍法無漏法忍信受也次第生苦法智苦法忍斷結使苦法智作證譬言如一人能刈一人能束如刀斫竹得風即偃忍智功夫故是事得辦欲界繫見苦斷十結得余時異等智得以無漏智未得無漏慧得是時成

就一等智等智來成就第二心中成就法智苦智等智過第三心第四心成就四智苦智法智比智等智集盡道法中一一智增離欲人知他心智成就增苦比忍苦比智斷十八結是四心苦諦能得集法忍集法智斷欲界繫七結集比忍集比智斷色無色界繫十二結盡

法忍盡法智斷欲界繫七結盡比忍盡比智斷色無色界繫十二結道法忍道法智斷欲界繫八結道比忍道比智斷色無色界繫十四結道比智是名須陀般那秦言流實知諸法相是十六心能十五心中利根名隨法行鉢根名隨信行是二人未離欲名初果向先

飛八

九

未斷結得十六心名須陀般那若先斷六品結得十六心名息忌陀伽迷秦言一若先斷九品結得十六心名阿那伽迷秦言先未離欲斷八十八結故名須陀般那復次無漏果善根得故名須陀般那利根名見得鉢根名信愛思惟結未斷餘殘七世生若思惟結

三種斷名家家三出生聖道八分三十七品
名流向涅槃隨是流行故名須陀般那是佛
初功德子得脫惡道斷三結薄三毒名息忌
陀伽迷復次欲界結九種上上上中上中下下中
上中中中下下上
下下中見諦斷思惟斷

若凡夫人先以有漏道斷欲界繫六種結入

見諦道十六心中得名息忌陀伽迷若八種
斷入見諦道第十六心中一種名息忌陀伽
迷果向訶那伽迷若佛弟子得須陀般那單
斷三結欲得息忌陀伽迷是思惟斷欲界繫
九種結六種斷是名息忌陀伽迷八種斷是
名一種息忌陀伽迷果向阿那伽迷若凡夫

人先斷欲界繫九種結入見諦道第十六心
名阿那伽迷若得息忌陀伽迷進斷三種思
惟結第九解脫道名阿那伽迷阿那伽迷有
九種今世必入涅槃阿那伽迷中陰入涅槃
阿那伽迷生已入涅槃阿那伽迷勤求入涅
槃阿那伽迷不勤求入涅槃阿那伽迷上行

入涅槃阿那伽迷至阿迦尼吒入涅槃阿那
伽迷到色無色定入涅槃阿那伽迷身證阿
那伽迷行向阿羅漢阿那伽迷色無色界九
種結以第九無礙道金剛三昧破一切結第
九解脫道盡智修一切善根是名阿羅漢果
是阿羅漢有九種退法不退法死法守法住
法必知法不壞法慧脫共脫煖智煖進行五
種法退是名退法利智利進行五種法不退
是名不退法煖智煖進利獸思惟自殺身是
名死法煖智大進自護身是名守法中智中
進不增不減處中而住是名住法少利智勤
精進能得不壞心解脫是名必知法利智大
飛八
十

進初得不壞心解脫是名不壞法不能入諸
禪未到地中諸漏盡是名慧解脫得諸禪亦
得滅禪諸漏盡是名共解脫有阿羅漢一切
有爲法常厭滿足更不求功德待時入涅槃
有門羅漢求四禪四無色定四等心八解脫
八勝處一切入九次第六神通願智阿蘭

若那三昧秦言無諱阿蘭若言無事或言空寂舊言湏菩提常行空寂行非也
離起諱如舍利弗目連入陶屋中宿致拘迦於我門空無相更住利智勤精進入如是諸禪功德是名得不退法不壞法若佛不出世無佛法無弟子時是時離欲人辟支佛出辟支佛有

三種上中下下者本得須陀般那若息忌陀伽迷是須陀般那於七世生人中是時無佛法不得作弟子復不應八世生是時作辟支佛若息忌陀伽迷二世生時是時無佛法不得作弟子復不應三世生是時作辟支佛有人願作辟支佛種辟支佛善根時無佛法善根熟尔時彌世出家得道名辟支佛是名中辟支佛有人求佛道智力進力少以因緣退如舍利弗退也是時佛不出世無佛法亦無弟子而善根行熟作辟支佛有相好苦少若多彌世出家得道是名上辟支佛於諸法中智慧淺入名阿羅漢中入名辟支佛深入名佛如遙

飛入

見樹不能分別枝葉小近能分別枝葉不能分別華葉到樹下盡能別知樹枝花葉實聲聞能知一切諸行無常一切諸法無主惟涅槃善安隱聲聞能如是觀不能分別深入深知辟支佛少能分別不能深入深知佛知諸法分別究暢深入深知也如波羅柰國王夏熱時處高樓上坐七寶牀令青衣磨牛頭栴檀香塗身青衣臂多著釤摩王身時釤聲滿耳王甚患之次第令脫釤少聲微唯獨一釤寂然無聲王時悟曰國家臣民官人妓女多事多惱亦復如是即時離欲獨處思惟得辟支佛鬚髮自落著自然衣從樓閣去以已神足力出家入山如是因緣中品辟支佛也若行者欲求佛道入禪先當繫心專念十方三世諸佛生身莫念地水火風山樹草木天地之中有形之類及諸餘法一切莫念但念諸佛生身處在虛空譬如大海清水中央金山王須弥如夜闇中然大火如大施祠中七寶

幢佛身如是有三十二相八十種好常出無量清淨光明於虛空相青色中常念佛身相如是行者便得十方三世諸佛悉在心目前一切悉見三昧若心餘處緣還攝令住念在佛身是時便見東方三百千万億種無量諸佛如是南方西方比方四維上下隨所念方見一切佛如人夜觀星宿百千無量種星宿悉見菩薩得是三昧除無量劫厚罪令薄薄者令滅得是三昧已當念佛種種無量功德一切智一切解一切見一切德得大慈大悲自在自初出無明殢四無畏五眼十力十八不共法能除無量苦救老死畏與常樂涅槃佛有如是等種種無量功德作是念已自發願言我何時當得佛身佛功德巍巍如是復作大誓過去一切福現在一切福盡持求佛道不用餘報復作是念一切衆生甚可憐愍諸佛身功德巍巍如是衆生云何更求餘業而不求佛譬如貴家盲子墮大深坑飢窮困

苦食糞食泥父甚愍之爲求方便拯之於深坑銅之以上饌行者念言佛二種身功德甘露如是而諸衆生墮生死深坑食諸不淨以大悲心我當拯濟一切衆生令得佛道度生死岸以佛種種功德法味悉令飽滿一切佛法願悉得之間誦持問觀行得果爲作階梯立大要誓被三願鎧外破魔衆內擊結賊直入不迴如是三願比無量諸願願皆住之爲度衆生得佛道故如是念如是願是爲菩薩念佛三昧行菩薩道者於三毒中若姪欲偏多先自觀身骨肉皮膚筋脈流血肝肺腸臍屎尿湧唾三十六物九想不淨專心內觀不令外念外念諸緣攝之令還如人執燭入雜穀倉種種分別豆麥黍粟無不識知復次觀身六分堅爲地分濕爲水分熱爲火分動爲風分孔爲空分知爲識分亦如屠牛分爲六分身首四肢各自異處身有九孔常流不淨革囊盛屎常作是觀不令外念外念諸緣攝

之令還若得一心意生厭患求離此身欲令速滅早入涅槃是時當發大慈大悲以大功德拔濟衆生興前三願以諸衆生不知不淨起諸罪垢我當拔置於甘露地復次欲界衆生樂著不淨如狗食糞我當度脫至清淨道復次我當學求諸法實相不有常不無常非

飛八

十三

淨非不淨我當云何著此不淨觀此不淨智從因緣生如我法者當求實相云何厭患身中不淨而取涅槃當如大象度駛流水窮盡源底得實法相而入涅槃豈可如猕猴諸兔畏怖駛流趣自度身我今當學如菩薩法行不淨觀除却姪欲廣化衆生令離欲患不爲不淨觀所厭沒復次既觀不淨則厭生死當觀淨門繫心三處鼻端眉間額上當於是中開一寸皮淨除血肉繫心白骨不令外念外念諸緣攝之令還著三緣中恒與心闡如二方一切衆生使得佛樂十方亦令心不轉亂人相撲行者若勝心則不如制之令住是名一心若以厭患起大悲心愍念衆生爲此空

骨遠離涅槃入三惡道我當勤力作諸功德教化衆生令解身相空骨以薄皮覆實聚不淨爲衆生故徐當分別此諸法相有少淨相心生愛著不淨相多心生厭患有出法相故生實法諸法相中無淨無不淨亦無閑亦無出觀諸法等不可壞不可動是名諸法實相

出過羅漢法也

行菩薩道者若瞋恚偏多當行慈心念東方衆生慈心清淨無怨無恚廣大無量見諸衆生悉在目前南西北方四維上下亦復如是制心行慈不令外念外念異緣攝之令還持心目觀一切衆生悉見了了皆在目前若得一心當發願言我以涅槃實清淨法度脫衆生使得實樂行慈三昧心如此者是菩薩道住慈三昧以觀諸法實相清淨不壞不動願令衆生得此法利以此三昧慈念東方一切衆生使得佛樂十方亦令心不轉亂人相撲行者若勝心則不如制之令住是名是謂菩薩慈三昧門問曰何不一時惄念十方衆生答曰先念一方一心易得然後次第

周徧諸方問曰人有怨家恒欲相害云何行慈欲令彼樂答曰慈是心法出生於心先從所親所親轉增乃及怨家如火燒薪盛能然濕問曰或時衆生遭種種苦或在人中或地獄中菩薩雖慈彼那得樂答曰先從樂人取其樂相令彼苦人得如彼樂如敗軍將怖懼

飛入十四

失瞻視彼敵人皆謂勇士問曰行慈三昧有何善利答曰行者自念出家離俗應行慈心又思惟言食人信施宜行利益如佛所言須臾行慈是隨佛教則爲八道不空受施復次身著染服心應不染慈三昧力能令不染復次我心行慈於破法出我有法人非法衆中我有法人知法無惱慈定力故菩薩行道趣甘露門種種熱惱慈涼冷樂如佛所言人熱極時入清涼池樂復次被大慈鎧遮煩惱箭慈爲法藥消怨結毒煩惱燒心慈能除滅慈爲法梯登解脫臺慈爲法船度生死海求善法財慈爲上寶行趣涅槃慈爲道糧慈爲駿

足度入涅槃慈爲猛將越三惡道能行慈者消伏衆惡諸天善神常隨擁護問曰若當行人得慈三昧云何不失而復增益答曰學戒清淨喜信猗樂學諸禪定一心智慧樂處閑靜常不放逸少欲知足行順慈教節身少食減損睡眠初夜後夜思惟不廢省煩言語默然守靜坐卧行住知時消息不令失度致疲苦極調和寒溫不令惱亂是謂益慈復次以佛道樂涅槃之樂與一切人是名大慈行者思惟現在未來大人行慈利益一切我亦蒙濟是我良祐我當行慈畢報施恩復更念言大德慈心愍念一切以此爲樂我亦當念

飛入十五

彼衆生令得佛樂涅槃之樂是爲報恩復次慈力能令一切心得快樂身離熱惱得清涼樂持行慈福念安一切以報其恩復次慈有善利斷瞋恚法開名稱門施主良田生梵天因生離欲處除却怨對及鬭諍恨諸佛稱揚智人愛敬能持淨戒生智慧明能聞法利功

德醞醜決定好人出家猛力消滅諸惡罵辱
不善慈報能伏結集悅樂生精進法富貴根
因辦智慧府誠信庫藏諸善法門致稱譽法
敬畏根本佛正真道若人持惡向之還自受
其殃五種惡語非時語非實語非利語非慈
語非軟語是五惡語不能傾動一切毒害亦

不能傷譬如小火不能熱大海

此下應出優填王持五百

箭發如毗羅經中優填王阿婆陀那說有二夫
人一名無比二名舍迷婆帝無比誹謗舍迷
婆帝舍迷婆帝有五百直人王以五百箭欲
一一射殺之舍迷婆帝語諸直人在我後立
是時舍迷婆帝入慈三昧王挽弓射之箭墮

足下第二箭還向王脚下王大驚怖復欲放
箭舍迷婆帝語王言止止夫婦之義是故相
語若放此箭當直破汝心王時恐畏投弓捨
射問言汝有何術答言我無異術我是佛弟
子入慈三昧故也是慈三昧略說有三種緣
生緣法緣無緣諸未得道是名生緣阿羅漢

辟支佛是名法緣諸佛世尊是名無緣是略
說慈三昧門行善薩道者於三毒中若思癡
偏多當觀十二分破二種癡內破身癡外破
衆生癡思惟念言我及衆生俱在厄難常生
常老常病常死常滅常出衆生可憐不知出
道從何得脫一心思惟生老病死從因緣生

當復思惟何因緣生一心思惟生因緣有有
因緣取取因緣愛愛因緣受受因緣觸觸因
緣六入六入因緣名色名色因緣識識因緣
行行因緣癡如是復思惟當何因緣滅生老
死一心思惟生滅故老死滅有滅故生滅取
滅故有滅愛滅故取滅受滅故愛滅觸滅故

飛八

十六

受滅六入滅故觸滅名色滅故六入滅識滅
故名色滅行滅故識滅癡滅故行滅此中十
二分云何無明分不知前不知後不知前後
不知內不知外不知内外不知佛不知法不知
僧不知苦不知集不知盡不知道不知業
不知果不知業果不知因不知緣不知因緣

不知罪不知福不知罪福不知善不知不善
不知善不善不知有罪法不知無罪法不知
應近法不知應遠法不知有漏法不知無漏
法不知世間法不知出世間法不知過去法
不知未來法不知現在法不知黑法不知白
法不知分別因緣法不知六觸法不知實證
法如是種種不知不慧不見闇黑無明是名

無明無明緣行云何名行行有三種身行口
行意行云何身行入息出息是身行法所以
觀是作覺觀已然後口語若無覺觀則無言
說是謂口行云何意行痛想痛名世界人所
著三種痛

爲受受則隨界受苦樂上界所
無故宜言受想出家所患也

是意法繫屬意故是名意行復次欲界繫行
色界繫行無色界繫行復次善行不善行不
動行云何善行欲界一切善行亦色界三地
云何不善行諸不善法云何不動行第四禪
有漏善行及無色定善有漏行是名行行因

飛八

十七

謂名色名色因緣六入云何六入內六入眼
內入乃至意內入是名六入六入因緣觸云
何觸六種觸界眼觸乃至意觸云何眼觸眼
緣色生眼識三法和合是名眼觸乃至意觸
亦復如是觸因緣受云何受三種受樂受苦
受不苦不樂受云何樂受愛使云何苦受恚
使云何不苦不樂受癡使復次樂受生樂住
樂滅苦苦受生苦住苦滅樂不苦不樂受不
知苦不知樂受因緣愛云何愛眼觸色生愛
乃至意觸法生愛愛因緣取云何取欲取見
取戒取我語取取因緣有云何有三種有欲
有色有無色有下從阿鼻大泥犁上至他化

自在天是名欲有及其能生業云何色有從下梵世上至阿迦尼吒天是名色有云何無色有從虛空乃至非有想非無想處是名無色有有因緣生云何生種種衆生處處生出有受陰得持得入得命是名生生因緣老死云何老齒落髮白多皺根熟根破氣噎身僂柱杖行步陰身朽故是名老云何死一切衆生處處退墮滅斷死失壽命盡是名死先老後死故名老死是中十二因緣一切世間非無因緣非天邊非人邊非種種等邪緣邊出菩薩觀十二因緣繫心不動不令外念外念諸緣攝之令還觀十二分生三世中前生今

生後生菩薩若得心住當觀十二分空無有主癡不知我作行行不知我從癡有但無明緣故行生如草木種從子芽出子亦不知我生芽亦不知從子出乃至老死亦復如是是十二分中一一觀知無主無我如外草木無主但從倒見計有吾我問曰若無吾我無吾我六情作因六塵作緣中生六識三事和合故觸法生念知諸業出是去來言說從是有生死譬如日愛珠日乾牛屎和合方便故火出五陰亦尔因此五陰生後出五陰出非此五陰至後出亦不離此五陰得後出五陰五陰但從因緣出譬如穀子中芽出是子非芽亦非餘芽邊生非異非一得後出身亦余譬如樹未有莖節枝葉花實得時節因緣花葉具足善惡行報亦復如是種子壞故非常非一芽莖葉等生故不斷不異死生相續亦復如是行者知諸法無常苦空無我自生自滅知因愛等有知因滅是盡知盡是道以四種知知十二分是正見道衆生爲縛著所誰如人有無價寶珠不別其真爲他欺誑是時菩薩發大悲心我當作佛以正真法化彼衆生令見正道問曰如摩訶衍般若波羅蜜中言諸法不生不滅空無所有一相無相是名

正見云何言無常等觀名為正見答曰若摩訶衍中說諸法空無相云何言無常苦空等不實若言不生不滅空是實相者不應言無相汝言前後不相應復次佛說四顛倒無常中常顛倒亦有道理一切有為無常何以故因緣生故無常因無常緣所生果云何常先飛八

十九

無而今有已有便無一切衆生皆見無常內有老病死外見万物彫落云何言無常不實問曰我不言有常為實無常為不實我言有常無常俱是不實何以故佛言空中有常無常二事不可得若著此二事是俱顛倒答曰汝言不與法相應何以故言無法云何復言二俱顛倒一切空無所有是為實不顛倒若我破有常著無常我法應破而不實我有常顛倒破故觀無常何以故無常力能破有常如毒能破餘毒如藥除病藥亦俱去當知藥妙能除病故若藥不去後藥為病此亦如是若無常法著應當破不實故我不受無常法

云何破佛言四真諦中言實苦誰能使藥苦因是實因誰能令非因苦盡是實盡誰能令不盡盡道是實道誰能令非道如日或可令冷月或可令熱風可令不動是四真諦終不可動轉汝於摩訶衍中不能了但著言聲摩訶衍中諸法實相實相不可破無有作者若

可破可作此非摩訶衍如月初生一日二日其生時甚微細有明眼人能見指視不見者此不見人但視其指而迷於月明者語言癡人何以但視我指指為月緣指非彼月汝亦如是言音非實相但假言表實理汝更著言聲闇於實相行者若得如是正見觀十二分和合為因果二分果時十二分為苦諦因時十二分為集諦因滅是盡諦見因果盡是道諦四種觀果無常苦空無我四種觀因集因緣生問曰果有四種但名苦諦餘者無諦名也答曰若言無常諦復疑苦諦亦疑無我諦亦疑一種難處復次若言無常諦無咎空非

我諦亦無咎若無常苦空無我諦於說爲重故是故於四說一問曰苦有何異相於三中獨得名答曰苦是一切衆生所厭患衆生所怖畏無常不尔或有人爲苦所逼思得無常無有欲得苦者問曰有人欲得捉刀自殺針炙苦藥入賊如是種種非求苦也答曰非爲

飛八

二

欲得苦欲存大樂畏大苦故取死苦爲第一患樂爲第一利以是故離苦實得快樂是故佛以果分獨名苦諦非無常空無我諦是於四諦中了了寶智慧不疑不悔是名正見思惟是事種種增益故是名正覺除邪命攝四種邪語離餘四種邪語攝四種正語除邪命攝身三種業除餘三種邪業名正業離餘種種邪命是名正命如是觀時精進是正方便是事念不散是名正念是事思惟不動是名正定正見如王七事隨從是名道諦是事一心實信不動是名信根一心精勤求道是名精進根一心念不忘失是名念根心住一處

亦不馳散是名定根思惟分別無常等覺是名慧根是根增長得力是名五力問曰八正道中皆說是名定等根力中何以重說答曰隨入行時初得小利是時名爲根是五事增長得力是時得名爲力初入無漏見諦道中是功德名八正道入思惟道時名七覺意初

入道中觀念身痛心法常一心念是名四念止如是得善法味四種精勤是名四正勤如是欲精進定慧初門勤精進求如意自在是名四神足雖名四念止四正勤四神足五根等皆攝隨行時初後少多行地緣各各得名譬如四大各有四大但多得名若地種多

飛八

廿一

水火風少處名爲地大水火風亦如是如是三十七品中各各有諸品如四念止中有四正勤四神足五根五力七覺八道等如是觀十二分四諦行四念止四正勤四神足五根五力七覺意八正道其心安樂復以此法度脫衆生一心誓願精進求佛是時心中思惟

觀念我了了觀知此道不應取證有二事力故未入涅槃一者大悲不捨衆生二者深知諸法實相諸心心數法從因緣生我今云何隨此不實當自思惟欲入深觀十二因緣知因緣是何法復更思惟是四種緣因緣次第緣緣緣增上緣五因爲因緣除過去現在阿羅漢最後心除過去現在心心數法是次第緣緣緣增上緣緣一切法復自思惟言若法失因緣中有則不應言是法因緣生若無亦不應言因緣中生半有半無亦不應言因緣生云何有因緣若法未生若過去心心數法失云何能作次第緣若佛法中妙法無緣涅槃云何爲緣緣若諸法實無性有法不可得若因緣果生因此有彼是說則不然若因緣中各各別若和合一處是果不可得云何因緣邊出果因緣中無果故若因緣中先無果而出者何以不非因緣邊出果二俱無故果屬因緣因緣邊出是因緣不自在屬餘因緣

是果屬餘因緣云何不自在因緣能生果是故果不從因緣有亦不從非因緣有則爲非果果無故緣與非緣亦無也問曰佛言十二因緣無明緣諸行汝云何言無因果答曰先已答不應更難若難者更當答佛言眼因色緣癡邊生邪憶念癡是無明是中無明何所依住若依眼耶若色中耶若識中耶不應依眼住若依眼住不應待色常應癡若依色住不應待眼是則外癡何預我事若依識住識無色無對無觸無分無處無明亦余云何可住是故無明非內非外非兩中間不從前世來亦不往後世非東西南北四維上下來無飛八
共二

有實法無明性余了無明性則變爲明一一推之癡不可得云何無明緣行如虛空不生不滅不有不盡本性清淨無明亦如是不生不滅不有不盡本性清淨乃至生緣老死亦爾若菩薩如是觀十二因緣知衆生虛誑繫在苦患易可度耳諸法若有實相難可得度思

惟如是則破愚癡若菩薩心多思覺常念阿
那波那入時出時數一乃至十五一心不令
馳散善薩從此門得一心除五蓋欲行菩薩
見道應行三種忍法生忍柔順法忍無生忍
云何生忍一切衆生或罵或打或殺種種惡
事心不動轉不瞋不恚忍之而更慈悲此諸
衆生求諸好事願一切得心不捨放是時漸
漸得解諸法實相如氣熏著譬如慈母愛其
赤子乳哺養育種種不淨不以爲惡倍加憐
念欲令得樂行者如是一切衆生作種種惡
淨不淨行心不增減不退不轉復次十方無
量衆生我一人應當悉度使得佛道心忍不
退不悔不却不懈不厭不畏不難是生忍中
一心繫念三種思惟不令外念外念諸緣攝
之令還是名生忍云何柔順法忍菩薩既得
生忍功德無量知是功德福報無常是時厭
無常自求常福亦爲衆生求常住法一切諸
法色無色法可見不可見法有對無對法有

飛八

廿三

漏無漏有爲無爲上中下法求其實相實相
云何非有常非無常非樂非不樂非空非不
空非有神非無神何以故非有常因緣生故
先無今有故已有還無故是故非有常云何
非無常業報不失故受外塵故因緣增長故
是故非無常云何非樂新苦中生樂想故一
切無常性故緣欲生故是故非樂云何非不
樂有樂受故彼染生故求樂不惜身故是故
非不樂云何非空內外入各各受了了故有
非福報故一切衆生信故是故非空云何非
不空和合等生故分別求不可得故心力轉
故是故非不空云何非有神不自在故第七
識界不可得故神相不可得故是故非有神
云何非無神有後世故得解脫故各各我心
生不計餘處故是故非無神如是不生不滅
不不生不不滅非有非無不受不著言說悉
滅心行處斷如涅槃性是法實相於此法中
信心清淨無滯無礙軟智軟信軟進是謂柔

順法忍云何無生法忍如上實相法中智慧信進增長根利是名無生法忍譬如聲聞法中煖法頂法智慧信精進增長得忍法忍者忍涅槃忍無漏法故名爲忍新得新見故名爲忍法忍亦如是時解脫阿羅漢不得無生智增進廣利轉成不時解脫得無生智無生法忍亦如是未得菩薩果得無生法忍得菩薩具行果是名菩薩道果是時得般舟般三昧於衆生中得大悲入般若波羅蜜門余時諸佛便授其号隨生佛界中爲諸佛所念一切重罪薄薄者滅三惡道常生天上人中名不退轉到不動處末後肉身盡入法身中能作種種變化度脫一切衆生具足六度供養諸佛淨佛國土教化衆生立十地中功德成滿次第得阿耨多羅三藐三菩提爲菩薩禪法初門

行者定心求道時 常當觀察時方便
若不得時無方便 是應爲失不爲利

飛入

如犢未生犢牛乳 若犢生已犢牛角
如鑽濕木求出火 若折乾木以求火
得處知時量已行 觀心方便力多少
宜應精進及不宜 火不可得無智故
道相宜時及不宜 火不可得非時故
如是勇過不得定 觀心方便力多少
若心掉動不應勇 得處知時量已行
譬如多薪熾大火 如是動息心得定
若能以定自調心 大風來吹不肯滅
譬如大火大風吹 如是動息心得定
若人心軟復懈怠 大水來澆無不滅
譬如少薪無燄火 如是厭沒不應行
如是轉健得道疾 不得風吹便自滅
譬如小火多益薪 風吹轉熾無滅時
若行放捨止調縮 設復廢捨失護法
譬如病人宜將養 若復放捨無得活
若有捨想正等心 宜時勤行得道疾
譬如有人乘調象 如意至湊無躡礙

若多姪欲愛亂心
姪人行慈益癡悶
姪人心亂觀不淨
行法如是相應故
若多瞋恚忿亂心
瞋人觀惡增恚心
飛八

是時不應行慈等
如人冷病服冷藥
諦觀不淨心得定
如人冷病服熱藥
是時不應觀不淨
如人熱病服熱藥
廿五

若人瞋怒行慈心
行法如是相應故
若多愚癡心悶淺
二行增癡無益故
人心癡闇觀因緣
法行如是相應故
譬如金師鞴扇炭
忽忽急鞴不知時
金融急鞴則消過
非時水澆金則生
精進攝心及放捨
非時方便失法利

是時不應行慈等
如人冷病服冷藥
諦觀不淨心得定
如人冷病服熱藥
是時不應觀不淨
如人熱病服熱藥
廿五

行慈不捨瞋心滅
如人熱病服冷藥
不淨行慈非行法
分別諦觀癡心滅
如人病風服膩藥
用巧非時失鞴法
或時水澆或放捨
未融便止則不消
非時放置則不熟
應當觀察行道法
若非法利爲非利

譬如藥師三種病
冷熱風病除滅故
應病與藥佛如是
姪怒癡病隨藥滅

坐禪三昧法門經卷下

飛八

上於飼音鑽子官
攀蛇上母反
巧恍惚上兄往反
完惠官
格下口反
各反擔重上丁淡反
瘧胗上於謹反
下章忍反
獨樂

上於飼音鑽子官
攀蛇上母反

黍粟上音駛流上使史

相

撲下蒲反
駿足上子擊牛

上古反
鞴扇蒲

拜